

Dai bhodiri naadami masadaikidi otoi Diuxi go tiañikarudi ix makidi Gabriel tigidu sai imina Galileana. Ami ayi igai Nasaretana dai aagidi imo ñoki imo arhi oki Maria tigidukami. Go Maria ka bhai duitadai ñoki imadi imo kiirhi Jose tigidukami sai imadi bii agaitadai. Dii mai kia imadi bitadai igai. Dai go Jose ir imo pipiixaradikatadai go Rey Dabidkaru.



Dai go tiañikarudī Diuxi potitīdai, —Maiti duadikuda aapi Maria. Diuxi kīigakīrī gī nīidi tudu. Dai maratamu aapi īmo arhi girhi dai Suxi tītīmu aapi— ititīdai. —Īmo gidukami gubukadagai biakamu īgai dai odami pokaitadamu sai īgai īr Maradī Diuxi ix makīdī bīixi adaama gatīanīi. Pipīixaradīka agai īgai go rey Dabidkaru. Dai Diuxi dasamu īgai Rey ix duu dāitadai īgai Rey go Dabidkaru īiki. Dai bīixkīrī

bīitarī īr Reygadī ka agai īgai go Israelitas dai tomarhi īmo imidagai mai ugitimu go sīrhikamigadī— ititīdai.



Daidi go Maria potitidai go
tiañikarudi Diuxi, —Aani mai kia
imadi bii kiihi. ¿Dukatai pogiduna
ix makidi gin aagidi aapi?— ititidai.
Dai go tiañikarudi Diuxi
potitidai aidii, —Gi
dibidamu Diuxi Ibhadi
dai igaikidi gi ayimu
Diuxi gubukarhigadi
gi abhana.



Podukai nonoakami bimu aapi. Dai
kaxkidi kiiiga buañixikamu gi maara
ix makidi buapamu aapi dai odami
Diuxi Maradi aagadamu—.



Dai bhodiri chiki tasaikidi bhiiyi go Maria boi dai jii gamo go Elisabet kiidiri. Ukoidigana kiakatadai kiidi dai imo arhi kiiki saagida ix makidi Judeiri bipiyyi. Ami tudu ayi go Maria dai baa kiiyiri dai biaturhi igai go Elisabet. Daidi kaikai go Elisabet ñokidi go Maria maati taata igai ix kabami oiñi maradi irana.



Daidi ayi Diuxi Ibhiadi go Elisabet imadi
aidi. Daidi gigiri ño go Elisabet dai potitidai
igai go Maria, —Agia kiigakiri gi niidi Diuxi
aapi Maria. Bamioma
kiigakiri gi niidi igai xi
bhai tomax makidi oki
tudu dai kiigakiri niidi
igai gi maara ipi.



Gin aagidamu aanī ix dukatai pogīdui tudu dai dibia
Suxi tami oidigi daama. İmo
arhi oki Maria tīgīdukami ĩr
dīidī. Dai ka bhai duitadai
ĭgai ñoki sai ĩmadī bii agai
ımo kīrhi Jose
tīgīdukami. Dīi ka
ĭkiaxdīrī
nonoakatadai go
Maria mai kia ĩmadī
biikai ĭgai go Jose. Diuxi
İbhīadīkīdī nonoakatu
ĭgai tudu.



Dai go Jose kīiga iigidiña go Moises siirhikamigadi ix
makidi pokaiti saidi xi oñigadi
imoko imadi daibuñagi imai
sai gi agai xi dagitoagi igai.
Dai kaxkidi dagito
irhiatugaitadai Jose go
Maria poirhiditai sai ka
imadi daibusaitadai
igai imai. Dii gia kii
tuiga go Jose dai maiti ipirhi
ix xairaragiri daitudagi igai
go Maria jaa oidakami
buitapi. Dai kaxkidi ixtotai
dukai dagito irhiditadai
sai mai maatikana jaa.



Kia poirhidadai go Jose ix dagitoagi go Maria dai imo imidagai imo tiiikiiri tii igai imo tiañikarudi Diuxi Gir Nukadakami. Daidi potitidai igai go Jose, —Aapi Jose ix makidi ir pipixaradi go Dabidkaru, maiti buami irhiada aapi. Ka bhaiga aapi ix imadi biiyagi go Maria.



Diuxi Ibhiadikidi nonoakami bii igai tudu dai mai xu imo kiirhikidi— ititidai. —Go Maria buapa agai imo arhi xiiñi pai aapi Suxi tiitimu. Go arhi odami kiigakiri bubaida aagai aaduñdi. Kaxkidi Suxi tiitimu igai ix makidi itiia irhidi kiigakiri bubiadami— ititidai.



Po tudu ikaiti go tĩañikarudĩ Diuxi ix makĩdĩ otoi ĩgai saidi maakana ñoki go Jose. Dai bhodĩri ninĩa go Jose dai otoma ĩĩgidi ĩgai ñokidi go tĩañikarudĩ Diuxi dai ĩmadĩ bii ĩgai go Maria. Dĩĩ gia mai abhana boi ĩgai asta gokĩĩri aidixi ka bua ĩgai go arhi odami dai Suxi tĩĩtĩ ĩgai go arhi xĩĩñi ix makĩdĩ bua ĩgai.



Dai aidipiri go Augusto ir go gii dunukamikatadai Romiri. Dai igai tijai go sonoiri gukakamigadi sai ikaldana bixi go oidakami xako ukami gatiانيتadai igai oidigi dai sai ojana titiaradi



bixkatai igai.



Mītai tījai go odami saidi iimīna xako īr bubuakīkami īgai
saidi ami ikaldana go dudunukami. Daidi Nasaretana
oidakatadai īmo oidakami
Jose tīgīdukami. Dai jii īgai
Nasaretañdirī ix
makīdī Galileirī
bipiīyi dai ayi



Belenirī ix makīdī Judeirī bipiīyi.




Go Dabidkaru ir Beleniri busaikamikatadai dai go Jose
ir pipixaradi kaxkidi biakatadai igai xi gamo imiagi dai
ami gi ojagi. Dai baidakai
igai go Maria gamo
Belenamu ipi.



Kaxi bhai duitadai igai ñoki sai imadi bii agaitadai dïi
mos mai kia imadi bii igai. Dïi ka nonoakatadai go
Maria aidï dai karhioga
ayitadai ixtuigako
duadiagi.



Dai aidixi ayi igai Beleniri
ka mai tipukatadai xako
gin urhĩnagi kaxkidi
kapayo kiidiri gin urhi
igai. Ami darakatadai
igai kia xi duayi go
Maria dai bua imo
arhi girihi.



Īgai ĩr tukamĩrĩ maradĩkatadai
tudu dai bhixa ĩgai dai ami
boda xako gakuadana kapayo.



Dai Beleniri no maigobai oidigana ajiopaitadai
paxtuturu dai nukadatadai kañiñiru aidī tukari.
Dai tobian dukai gi maaxitu imo
tiañikarudi Diuxi ami go
paxtuturu
buidiri.



Dai Diuxi gubukarhigadikidi kudikami bii oidigi ami xako darakatadai go paxtuturu dai duduadimu igai. Dai go tiañikarudi Diuxi potitidai igai, —Maiti duduadikuda aapimi. Gin

bhiidati
aanii imo
bhai
irhiaragai
ñoki. ✦



Idi ñokikidi kīga bhai gin ijildamu aapimi imadi bixi
oidigi daama óidakami ipi— ititidai. —İkiapo mo busai
gin Kīgakiri Bubiadamiga ami go arhi
kiikiiri xakoga oidatu go
Dabidkaru
iiki.



İgai ir
Gabhaitikiakami
dai ir go Kristo.



Mobai xako gakuadana go kapayo ami bhixapikatai
kaati igai. Ami tīgimu aapimi dai maatikamu saidi
ir buaboi ixtumaxi gin aagidi aani—
ititidai.



Mos sai naato ñokakai igai tai bhodiri mui bamioma gin
maaxitu Diuxi titiañikarudi daidi ititidai igai
go paxtuturu, —Gi agai xi bixi Diuxi
titiañikarudi mi tibiagiri



aagana xixi ir
gidukami Diuxi.



Dai gĩ agai xi kīga ibhīxtakan taadakagi óidakami tami
oidigi daama ipi. Diuxi ka kīga buididi igai
xibi kaxkidi— ikaiti Diuxi tītiañikarudi.



Daidi bhodiri nonora igai tibagiamu baidi
go paxtuturu ikaitimi, —Timida mi
Belenamu dai nida ix dukatai daibusai ix
makidi gir aagidi Diuxi— ikaitimi.



Baidi otoma iji igai amika dai tii igai go Maria imadi
Jose dai go arhi xiiñi ami kaatikatadai xako gakuadana
go kapayo. Dai tiigakai igai go arhi xiiñi otoma aagidi
igai go odami aipakoga ix titidaitadai Diuxi
titiañikarudi aagaitai go xiiñi.



Podukai busai Suxi imo arhi kiiki
Belen tigidukamiiri ix makidi Judea
munisipiiri bipiyyi. Aidipiri go
Herodes ir Reykatadai
Jerusaleniri dai
aidipiri ipi ami

Jerusaleniri ayi mamaatikami xarhi
utapadiri oidakami. Daidi potitidaina
igai go oidakami, —¿Xako daja igai
ix makidi xibiapi busai dai ir
Reygadika agai go Judidiu?—
ititidaina.



—Tii aatimi imo
xabugai amii xarhi
amakoga ix makidi
ir imo maaxidaragai
sai ka busai go
Rey ix makidi

go Judidiu niniraka ix busiagi dai
kaxkidi dada aatimi dai gaagai.
Tiihia rirhidi dai iduña rirhidi imo
xadutudaragai igai biitarii tudu—
ikaitiña go mamaatikami.



Daidi go Rey Herodes ixtotai dukai báí go mamaatikami dai tikakai xikidi títadai igai go xabugai ix makidi agaitadai igai. Dai go mamaatikami aagidi. Daidi go Herodes potitidai aidi, —limibirai Belenamu tudu dai kiiga gaagana go arhi odami as xako daja.



Dai mīx xīkkadi tīgiagi abīr
bhaigobai iimīda dai gin
aagida. Nai aanī ipī imiagi
dai mīika ipī iduñagi imo
xadutudaragai— itītīdai.



Daidi ka nato aatagakai go mamaatikami imadi go Rey
sai bhodiri iji igai ami Jerusalenañdiri. Dai go xabugai
ix makidi baasikioñdiri tītadai igai kia
bhaiti imītadai dai gatitigidi boi.

Daidi go xabugai kīkiban dui
sīrhi daama go baaki xako
dakatadai go arhi
odami baidi go
mamaatikami kīga
bhai gin ijirhi nīditai
xi ami kikiba go
xabugai.



Daidi ka bapakiƙai igai ami kiiyiri tii igai go arhi odami imadi diidi ix makidi Maria tigidu. Dai go mamaatikami kuiki ami go arhi odami buidiri dai kiiga xadutugi. Dai kupioka igai kajojoño ix makidi bukatikatadai igai dai bubaitu igai oidaragai go arhi odami biitari. Oi igai oro dai kubhimadarhi dai mira.



Gobai oi igai go arhi odami tudu xadutudaitai. Dai
bhodiri bui igai boi ipamu dai aa surhi. Di ka
aagiditadai Diuxi sai mai iimina ipamu
gamo xako daja go Rey Herodes
xi kaxkidi imai boi bui igai xibi
dai mai iji Jerusalemamu
xako niiditadai
igai go Herodes.



Dai iji go mamaatikami
abhiadiri. Dai bhodiri tiitikimi
go Jose ipamu dai ipamu tii
igai go tiañikarudi Diuxi ix
makidi ir otosadi Diuxi Gir
Nukadakami. Dai go
tiañikarudi Diuxi
potitidai, —Bañigiñi
otoma— ititidai.



—Aapi imadi diidi go arhi
odami abir bhikai go arhi
odami dai digabuna boopoi
Ejptuamu. Dai ami
Ejipituana abir bii asta
xiixkadi ukami gin
aagidagi aani. Go Rey
Herodes gaaga agai go
arhi odami tudu
mua



irhiditai— ititidai.



Dai go Jose iigidi go
tiañikarudī Diuxi dai otoma
bañi dai apia dukai mai kia
maaxikai oidagi bhüiyi boi dai
Ejiptuamu dai baidaja go
arhi odami imadi
modukai dīidī. Ami
Ejipituana bii agai igai
asta xīxkadī ukami ka

muu go Herodes.




Pobai gi dui gobai saidi
gokiiri xiixkadi ka bubuakiagi
igai Ejiptuañdiri saidi aidi gi
iduna ix dukai oja iiki imo
ñokituldiadamigadi Diuxi
tudu. Igai oja iiki sai
Diuxi ikaiti sai, Agidamu
aani gin mara sai
busaiña Ejiptuañdiri,
ikaiti Diuxi.

Ami Ejipituana dakatadai
Suxi tudu imadi diididi.



Daidi go Herodes máí sai go
mamaatikami buirumagi mai
aagidakai igai xako daja go
Suxi xi kaxkidí bhamu go
Herodes. Dai gatijai igai
kodaragai bíixi go aarhi gígírhi
goka umigi biakami koidamakoga





ami
Belenírí

dai ix makidí maigobai
miadírí óídaga ipí.



Go mamaatikami aagiditadai
sai ka pari goka umigi
ipiduitadai aidixi abhiadiri
busaitadai go Suxi tudu.




Dai gokiiri aidixi ka muu go
Herodes sai go Jose tiiikimi
ipamu ami Ejipituana
dakatai. Dai ami tiiikiiri gi
maaxitu tiañikarudi Diuxi ix
makidi ir otosadi Diuxi
Gir Nukadakami.



Dai potitidai igai go Jose,
—Bañigiñi dai baidakañi go
arhi odami imadi diidi dai
nonoigibirai ipamu
Israelamu— ititidai. —Ka koi
biixkatali igai ix makidi
mua irhiditadai go
arhi odami tudu—
ititidai.



Dii gia xibi imo
maradi go Herodes
Arkileo tigidukami
gatiianiitadai Judea
munisipiiri
ami



Israeliri.

Bhiitadai igai go
siirhikamigadi go Herodes
maradikatai igai tudu. Dai kajioma go Jose ix
gatianii igai dai duadimu ix imiagi gamoko.



Dai tütikidiri kai igai imo
ñoki Diuxiañdiri ipi ix
makidi aagidi sai mai
imina Judeamu. Dai
digabusai igai
dai iji




Galilea
munisipiamu bhaiyoma.

Ami ayi igai dai imo kiikiiri óidatu
xako Nasaret tigidu. Podukai daibusai ix makidi
aagaiña go ñiñokituldiadamigadi Diuxi iiki abhiadiri.



Ikaitiña ïgai sai, —
Dibiamu go Ootosadi
Diuxi bai



Nasaretañdiri
oidakami gi aagadamu
ïgai— po tudu ikaiti
ñiñokituldiadamigadi Diuxi aagaitai go Suxi.



—Diuxi sīrhikīdī kīiga oigīdai bīixi oidigi
daama óidakami dai kaxkīdī gin otoi igai
aanī ix makīdī ir Maradī imadugakīdī.
Gin otoi igai an sai mukuna bai mai
kona ix makīdī gin buaboitudagi
dai bhayoma bīixkīrī bīitarī
óidakana.



Romanos 3:23 Daiñi, Diuxi sïirhikidï kïi tuiga dai kïi tiodi dai bïixi óidakami ïr soimaaxi buadami dai mai ajïi Diuxi.

Romanos 6:23 Go soimaaxkami maitïkidi ïr go ïi mukigami tudu. Dïi gia Diuxi gïr maakai ïmo oidaragai. ïgai gïr maakai ïmo kïigakïri oidakaragai bïixkïri bïitarï tudu bïinakatai aatimï Gïr Nukadakami Suxi Kristo.

Hebreos 9:27 Daiñi, odami mos arhi ïmo imidagai mumukui. Dai gokïiri arhi ïmo imidagai aagada agai Diuxi ix bhai kïiga dui ïgai xïipi xi mai kïiga dui ïpi.

Efesios 2:8,9 Kïi tuiga Diuxi gïn bïitarï kaxkidï kïigakïri bubuaka aapimï buaboidakai. Mai kïigakïri bubuaka aapimï ïigi gïn gubukarhigakidï tudu. ïmo oidaragai gobai ix makidï gïr maa Diuxi bhaiyoma.



Odami maiti ixtutuidikii xi iigi kiiigakirii gin bubiadagi aaduindadikidi. Kaxkidi mai tipuka agai xorai potiiyagi sai iigi gubukarhigadikidi kiiigakirii busai. Mai tipukamu ixtukidi gidukidi gi aagagi tomarhi imadutai aidi.

Romanos 10:9,10 Ga aagidiña aatimi sai gi agai xi odami buaboitudaitai po tiiyagi sai Suxi Kristo bixi adaama ir Tianidami. Dai sai gi aagai xi kiiigakirii buaboitudagi igai ix Diuxi duakaturhi go Suxi. Xorai pobuadagi gia kiiigakirii bubuaki agai.

Diuxi kiiigakirii gir niidi buaboitudakai aatimi tudu, mos maaxiko aagakai ix buaboitudai aatimi.

Juan 3:16,17 —Diuxi siirhikidi kiiiga oigidai bixi oidigi daama oidakami dai kaxkidi gin otoi igai aanii ix makidi ir Maradi imadugakidi. Gin otoi igai an sai mukuna bai mai kona ix makidi gin buaboitudagi dai bhaiyoma bixkiri biitari oidakana.



Diuxi gin otoi oidigi daama mai xu sai aagana aanii ix tuma
gigibituldaragai ajiga oidakami. Gin otoi igai bhayoma an
sai kiiigakirii bubaidana oidakami— ititidai Suxi.

1 Juan 5:11-13 Diuxi gir aagidi sai gir maakai ibhidagai
utudui sai kiiigakirii oidakana aatimii biiixkirii biitarii mos
buaboitudakai aatimii Maradii tudu.

Kaxkidi gi maatii sai xorai buaboitudagi Diuxi Maradii ka bia
go kiiigakirii oidakaragai biiixkirii biitarii. Dii gia odami ix
makidi mai buaboitudai mai bia gobai.

Daiñi, gin ojidi aanii aapimii ix makidi buaboitudai Diuxi
Maradii saidi kiiiga maatikana aapimii sai ka bia aatimii go
utudui oidakaragai ix makidi biiixkirii biitarii kabakarii.



Mataibo 1-2; Lukas 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Tepehuan Northern (ntp) Copyright: Ethnos360 Sanford,
Florida

<https://www.bible.com/en-GB/bible/3339/GEN.1.NTP>

©2025 Bible for Children, Inc.

www.M1914.org

www.bibleforchildren.org

